

Relaciona cu irregularidadnan na Arubahuis

Ex-Minister Plenipotenciario Guillfred Besaril a keda deteni

- Investigacion conoci como 'Caso Tulipan'
- El a haya retiro y awor ta bao investigacion



retiro, Gobierno ta muestra cu Besaril a faya hopi den cumpli cu su deber como Minister Plenipotenciario. Nan a presenta 18 acusacion contra Besaril:

(*) A duna ordennan di pago caminda e ta beneficia su mes.

(*) A haci gastonan sin tin di haci cu su funcion, a costo di Gobierno.

(*) A haci un control di factura hopi malo.

Gasta placa di gobierno durante viahenan priva: Segun e investigacion, e datonan aki a bin dilanti:

(*) Durante 14 December 2020 te cu 4 Januari 2021 a malgasta placa di Gobierno.

(*) A abusa di su funcion door di duna informacion pa su probecho personal y a paga Divi Village.

(*) Riba 9 April 2021 y den e periodo di 17 Mei 2021 te cu 21 September 2021, a malgasta placa di Gobierno.

(*) Pa interes personal a compra servicio di Elever Strategy and Solution sin cu el a haya un aprobacion pa esaki.

(*) A haci uso di servicio VIP na Schiphol pa viahenan priva y vacacion.

(*) A declara gastonan di cual un parti tabatin interesnan priva.

Malusa placa di gobierno durante viahe di trabao:



(*) A laga su mes haya doble pago di gasto pa viahenan di trabao, door di tabata usa e pinpas di Gobierno ora di come na lugarnan, siendo cu e ta haya placa pa gasta caba y placa pa representacion.

(*) A regla servicio VIP pa su famia di Schiphol riba gastonan di Gobierno.

Gasta placa di mas como Minister Plenipotenciario:

(*) Den e periodo di 2018 te cu 2021, den forma ineficiente a gasta placanan di Gobierno pa cambia celularnan cada pasa 2 año.

(*) Sin cu e tabatin permiso, a haci gastonan cu en realidad ta pa uso priva. Na 2018 a compra muebles pa cas.

(*) Na 2021 a declara factura di compra di muebles pa baby pa asina e haya e placa back.

(*) Desde Mei 2019,

via administracion di creditornan a laga restitui placanan di prima di salubridad pa su señora.

(*) A desvia di e proceduraman normal cu ta uza ora ta haci un contract di huur.

(*) No a mantene su mes na e procedimentonan pa busca ofertanan pa instalacion di alarma na e cas cu e tabata huur.

(*) A haci gastonan grandi y innecesario na renovacion di e cas di huur.

Di parti di Gobierno a worde muestra cu Besaril a abusa di su funcion y autoridad como Ministerio Plenipotenciario pa beneficia su mes financieramente. Gobierno ta haya cu Besaril a demostra cu e no ta sirbi pa e funcion ey y pa bolbe bay traha como Polis no ta posibel.

Di su banda, Guillfred Besaril a desmenti cu e ta culpabel di tur e acusacionnan cu Gobierno a presenta.

Solamente 4 acusacion proba: Hues den su evaluacion di e caso, a pasa riba tur e acusacionnan.

Hues den mayoria di e acusacionnan, ta haya cu Besaril no ta culpabel di keda sin cumpli cu su deber.

Hues a haya cu e acusacionnan ariba menciona bao di e letternan D., E., I. y O. si ta proba cu Besaril a faya hopi den cumplimiento di su deber y cu esaki ta hustifica e medida disciplinario pa kita Besaril for di trabao.

Cu e detencion di diamars, awo ta pendiente di mas informacion y kico lo sali afo for di e caso aki.

ORANJESTAD (AAN): Ministerio Publico a duna di conoce cu Landsrecherche a detene diamars den e investigacion di e caso Tulipan e homber cu inicialnan G.F.B., kende tur hende sa ta Guillfred Fransis Besaril.

E investigacion Tulipan ta dirigi su mes riba irregularidadnan na Arubahuis den e periodo di 2018 te 2021.

Esey a socede durante cu Besaril tabata den funcion di minister plenipotenciario di Aruba na Hulanda.

Caso Besaril: Den luna di october, 2023 Hues di Casonan di Empleadonan di Gobierno (Ambtenarenzaken) a dicta sentencia den e protesta di Guillfred Besaril contra e decision di Gobernador di duna Besaril retiro como castigo disciplinario.

Hues den su evaluacion ta haya cu tin tur indicacion cu Besaril den su periodo como Ministro Plenipotenciario no a cumpli cu su deber.

Ta asina cu 9 Januari 2023, den un Decreto di Gobierno, Gobernador ta informa Besaril cu ta uza articulo 95 di "Landsverordening ambtenarenrecht (La) pa duna e castigo disciplinario cu ta su retiro. Besaril, dia 23 Januari 2023 a bay den protesta di esaki y asina a cuminsa e caso.

Diesochu acusacion contra Besaril: Hues den su evaluacion di e caso a muestra cu e motibo di duna


Prijs di gasolin ta subi entrante awe cu 12,4 cen



ORANJESTAD (AAN) - Diferente isla den Caribe ta subiando prijs di gasolin bek durante luna di Februari.

Siman pasa mes, e isla di Bonaire a subi prijs di gasolin cu \$0,05 pa liter (igual cu 9,0 cent Florin).

Nà Aruba, Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 14 februari 2024:



Gasoline unleaded-premium ta subi cu 12,4 cen, pa wordo bendi awor na 245,4 cen pa liter.

Diesel Low Sulphur ta subi cu 14,2 cen, pa wordo bendi awor na 227,8 cen pa liter.

Kerosin ta subi cu 11,6 cen, pa wordo bendi awor na 210,1 cen pa liter. E prijsnan ta inclui BBO/BAZV/BAVP.